

۴ رجب سنه ۱۳۳۵

پنجشنبه

۲۶ نيسان سنه ۱۳۳۳

صاحب امتیاز و مدیر مسئول حسن کاظم

ملت غنائیه — امت اسلامیہ ایچون، نمید اولان آثاره
صحیفه لر من آجیقدر درج ایدلمیان اوراق اعاده ایدلمزه

استنبولده باب عالی جوارنده ابوالسمود جاده سنده
نجم استقبال مطبوعه سنده اداره خانه من اصحاب
مراجعاته هر ساعت آجیقدر

نجم الاسلامی

شمدیلاک اون بش کونده برنشر اولنور

سر محرری: مصطفی فوزی

تاریخ تاسیسی ۱۳۲۷ سنه هجری

سنه لک اعتباریله ممالک شامانه ایچون پشین
اوله رق ۴۰ الی ایللی ۲۵۰ غروش و ممالک

اجنیه ایچون ۱۵ فرانقدر

تلفون نومروسو : ۱۰۹۷

نومرو ۱۲۷

تصوفی ، دینی ، اخلاقی ادبی ، سیاسی جریده اسلامیة در

نسخه سی ۱ غروش

تربیه ابتدائی بی آلان اولاد وطن ایله بونک عکسی اولا برعائله ایچنده (اومماچی کلیور) تهدیدیه شخصیت و منات مغویه سی ازیلنلر اراسنده کی فرق علم ایله جهالت بیننده کی فرق عیندر .

جهالك علمه ترجیحی بوش و موازنه سز دماغلرك حكم قره قو- شیسندن باشقه برشیته دلالت ایتمدیکی و عقلی دشمن عقلسز دوستدن یکدر ضرب مثلی پك اتیلاجق سوزلردن اولمادیکی جمله مزك تحت تصدیقنده در .

ارباب فکر و ادعائی سنه لرحه دوشوندیر مش اولان قادینلرك تحصیل مسئله سی سلامت ملت نامه کوندن کونه شایان شکران و ممنونیت بر شکل ترقی الیور . یا یختدن بدأ ایله بتون ولایات ، الویه ، قضاار و حق نواحی ده بیله کون بکون انات ابتدائی ، رشدی مکاتبی ، دارالمعلماتلر اچیلور و هپسیده مشتاق علم و کمال طالبات ایله طولو بولنیور . هر سینه بودارالعرفانلردن نشأت ایدمك قزلر من هیئت اجتماعیه من ایچمه مجهز علم و هرفان اولارق قاریشیرلر سه او زمان ایش کندینی کور- ستره جك . ملت لایق اولدینی ترقیه واصل اولاجق . بر الک شقیر دیسی جیقمایه جفی و قادین ارکلكك شق اولماسی ایچون قادینلرك ده تحصیل کورمه سی لازم کله چکی حقیقی میدان حقیقه جقدر .

اخلاق

انسان ایچون اك زیاده مدار شرف و مفخرت ، سرمایه عز و سعادت حسن اخلاقدر . اخلاقی ممدوح اولان هر کس تزدنده مقبول و محترم اخلاقی مقدوح بولنان جمله غندنده مدخول و متهم اولور .

حسن اخلاق ، صاحبی هر درلو تجلیات و اعزازات ایله بكام و مسعود ، سوء اخلاقده صاحبی کرداب فلاکت و مصیبتلره دوشورمکله برابر هر کس تزدنده بدنام و مردود قیلار .

حسن اخلاق ، جمله تزدنده مرغوب و محبوب ، سوء اخلاق صاحبی ده عامه تزدنده محجوب و معیوب اولور .

حسن اخلاق ، صاحبی هر صورته قرین نصاب مجد و شرف ، سوء اخلاقده صاحبك اولانجه نقدینه امید و موجودیتی محو و سرف ایدر . حسن اخلاق ، صاحبی هر درلو آماله موفقیته کامران ، سوء اخلاقده صاحبی محرومیتلر ، یأس و مغمومیتلر ایچنده مضطرب و بریشان قیلار .

حسن اخلاق ، صاحبك انواع فیض و تجلیاته مظهریتی اعداد و تأمین ، سوء اخلاقده صاحبی نیجه مخاطرات و مشکلاته معروض براقله برابر دركات سفلیه نك اك آشاخی طبقه سنده ابد نشین قیلار . حسن اخلاق اصحابه ، هر درلو خزائن غیبه الهیه کشاد ، سوء اخلاق اربابنه ده بتون ابواب فیض و فتوحات السداد ایدیلور .

حسن اخلاق ، صاحبی مرفه الحال و منشرح البال ، سوء اخلاقده صاحبی معدوم النوال محروم الآمال قیلار .

حسن اخلاق ، صاحبی انبساط جان ، حضور وجدان ایله

امرار اوان ایندیرر . سوء اخلاقده صاحبی هر کسك تحقیرات و تشنیعاته ، تلعنات و تقیحاته آماج قیله رق دنیاه کلدیکنه یشیان ایدر . حسن اخلاق ، صاحبی جناب حق نیجه تجلیات و توفیقانه مستغرق ، سوء اخلاقده صاحبی انواع عقوبات و مخاراته دوچارله برابر حما آلود عذابله مستحق قیلار .

الحاصل مکارم اخلاق اولیه بر موهبه جناب خلاقدر که اکا شرف اقتران و انتساب ایدن سعادت دارینه مظهریتله کامیاب و مساوی اخلاقده اولیه بر صفت مذمومه وردیته در که اما صاحبی اولان هر ایکی جهانده هر درلو مسعودیت و نعمتلردن محرومیتله قرین خسران بی حساب اولور .

شو حالده اخلاق مضبوطیت و مقبولیتی صاحبی ایچون پك بیوک بر شرف و نجات تأمین و لا تحصى بر عز و نباهت تثبیت و تبیین ایلر .

حسن اخلاق ؛ استقامت ، منات ، عزم و ثبات ، صدق و امانیت ، وفا و مرؤت ، حقوقه رعایت ، مرحمت و رأفت ، عدل و حقانیت ، بیوکاره اطاعت و حرمت ، کوچکاره شفقت ، منسلک اولدینی وظیفه به کمال عشق و غرام ایله مداومت ، انسانیت ، وطنه خدمت ، کذب و دروغنود ، حیل و دسایسندن ، احتراصات شخصیه دن ، نفاق و شقاقندن مجانبت کی احوال و اوصافی احتوا ایتمدیکی ایچون بواساساتی هر انسان کندیبی ایچون مابه التطبيق اتخاذ ایتمك لازم و موجب فلاکت و مذات و مستوجب خیبت و محرومیت اولان سوء اخلاقندن نوقی ایلك واجبدر . قسطمونوی ولایتی مکتوبیحیسی

لطفی

الکتابت

سر آمدان شعرای عصر دن سلا نیک والی سابق محمد ناظم پاشا حاضر المری نیک غزل صوفیانه لرینی تحمیس :

عاشقز راه محبتده شتابان کیدرز

گاه جمعیت ایله گاه بریشان کیدرز

بی کم و بی جهت و بی دل و بی جان کیدرز

انسکاه حرم صحنه پنهان کیدرز

مست و شوریده و سرکشته و حیران کیدرز

آتش عشق ایله یاق صوفی دل بی پاکی

اشک چشمکله قویار دلد اولان خاشاکی

حرم قره قومازلر بیلورز ناباکی

دوش هستیدن اتوب نوب هش وادراکی

بزم تجریده سیکبار اولور صربان کیدرز

عارفانه نفس حکمتك فیضندن

عاشقانه دل بر صفوتك فیضندن

لی مع الله کیروب وحدتک فیضندن

مستفيض اولغه جان محبتك فيضندن

دردرگاه روانجشنه بی جان کیدرز

سوفیا ایجه هبا هوی ایله خاقی تمجیز

کل در میکده بی اوب اوله سک مرد عزیز

واصل اولماز بالکنز سعی ایله عبد ناجیز

ذل و عجزی ایدرک تقدمة دست اویز

خانقاه کرم افزودینه مهمان کیدرز

راه سردن ایدلم کور عالم انواره دخول

مهرجان ایله دن تافلك دلدن افول

دله اسقاط اضافات ایله وصلت مأمول

فقر و عجزی ایدرز راهبر فیض قبول

کوی جانانه نه شادان نه هراسان کیدرز

دست عاشقده بو عالمده یتر بر صها

ماسوادر اکا سجاده و تسبیح و قبا

راه معنی ده رشیده اولهلم تاهمیا

اثر سرمست می عشق طوتوب بی سروپا

ناظم عزتکه کرم الفقه سکران کیدرز

بغدادی : شیخ رشید

علویات اسلام

عالم اسلامیتده ریاضیات و تربیه بدنیه اسلام اسپورلری

۴

۱۹۰۲ سنه میلادی سنده تنظیم ایدیلن استانتیفرله کوره ژیمناستیکی وچ قلیج تعلیمی یایان و «فودبول» اویونی اویسیان، پیسیقلته بیتان اشخاص مقدارینک آلمانیا ده (۲,۰۲۱,۰۰۰)، فرانسه ده (۱,۸۲۰,۰۰۰)، انکلتزده (۱,۴۸۰,۰۰۰) کشی راده سنده ایدوکی و حکومت سائرده دخی بو یولده کلی «اسپورمنلر» بولندینی تحققی ایتمش در. اریاب و قوفک تقدیر و بیانلرینه کوره اون درت سنه دنبرو بمقدارلر برقاج منی راده سنده تراید ایلشدر. عصر حاضرده «اسپور عصری» دنیلمسینه بناء هان هرملت زرنده اسپورده صاییلانلرک عددومقداری کوندنکونه تراید ایتمکله مدهش بریکون طوتمقدده در. بوکا مینی باخصوص حرب حاضر عمومیدن صکره حالا «ملک مسلهحه» شکلنده بولسان بتون اقوامک منفرداً و مجتمعاً تأمین قوت و حیسات ایلیان اقوام و مللی ضعف و ناتوانی و قدرتسزلکدن قورتارمدق آنلرک هر درلو حیات شخصیه و اجتماعیه لرینی بالوجوه تأمین و تربیدایلمک شانندن بولنان - «اسپور» انواعه بستیون صاریله جفته شک و اشتباه یوقدر [۱].

[۱] - «اسپور» انواعی و بولنلرک صورت اجرالری حقدده معلومات و تفصیلات آلتق آرزو ایدنلر: آوروپا و اسیقاده بوبولده هان هر لسانده نشر ایدلش برچوق آثار و مؤلفات و رسائل موقوتنه و سائنامله، اسپورده دائر برچوق غزته لده صورت مخصوصه مسلسل متصل نشر ایدلکده بولنان مقالات مخصوصه و شیوناته و بالخاصه «سلیم سری» بکک بوبولده کی اثارینه مراجعت ایده بیلورلر.

بالاده تعداد و بیان ایدیلن «اسلام اسپورلری» یعنی اسلاملار و بالخاصه عثمانیلر آرهنده رواج بولان اسلام ادمان حرکات و تعلیملری ایله «آفرانغه اسپورلر» ک یعنی اوروپا ادمان حرکات و اویونلرینک انواع مختلفه سی یکدیگریله مقایسه ایدیلورسه کوریلورکه جمله سنده اساس بر در: یعنی حرکات و ریاضات مختلفه ایله تربیه بدنییه خدمت ایتمک، هر حالده وجودده ادمان و قوت حاصل ایدوب بو وجهله منفرداً و مجتمعاً یعنی هیئت ملیه و اجتماعیه جه قوتل بولنقی وایلروده تفصیل ایدیلجهکی اوزره «فکر سلیمک جسمه سالمه خاص بولنسی» قضیه محکمه فیه و صحیه سی موجبنجه [۲] صاغلام وجود ایله اوی دوشوب دوشونجه سزک سبیله غفلت و بی قیدیدن، تنبروریدن، عطالت و کسالت و انجماد و عدم فعالیتدن انبعاث ایدجهک انواع بلایا و مهالک و فلاکتلردن افراد ملتی و بو صورته کتله متینه واحده صورتنده عرض اندام ایلمی لازم کلن «هیئت مجموعه ملیه» بی محافظه و صیانت ایلمکدر. بوکون بوخاصه عالیله ک زیاده حرب عمومی نک هر صحنه سنده غالب و مظفر آلمان ملت نهمیه سنده کورلمکده در.

مطالعات معروضیه و سالف المرض «اعدوا لهم ما استطعتم من قوة...» نص شریف قاطعنه ابتداء اسپورلرک جمله سی مقبول و مستحسن و ایجابات شرع شریف احمدی به موافق بولنغله هر برلرینک تطبیق و اجرالرنده زرمه جه قصور ایدلماک دین جلیل و مقدس سزک اوامر و ایجابات اصلیه سنندن، امور مقروضه سننددر. وهله آفرانغه «اسپور» ذیلان و بوکون اوروپاده نظاره، اک یوکسک طبقه لرده کی ذوات عالییه قدر اک مهم اشخاصک علی الاکثر اشتراک لریله اجرا قلنان «ریاضات و تربیه بدنیه» افعال و حرکات و اویونلرینک قسم اعظمی اعتباریله عالم اسلام اسپورلرینک عینی ایدوکی و بین الافرنج متخذ کورینانلرک ایجابات و ترقیات احوال و ازماته کوره اسکیرینک تعدیل و اصلاح و اکالیله وجوده ککش بولندینی بر فکر سلیم ایله دوشونلیدیکی و

«حکمت مؤمنک ضایع اولمش مالیدر»

«آنی زرده بولسه آلیر»

مالنده کی حدیث شریف و علوی نظر دقت و انتباهه آلدینی تقدیرده آنلردن بجانب دکل بلکه اجانبیدن زیاده - اشد احتیاجاتنر حسیه - بولنری تطبیق و اجرایه، هر برلرینک منافع عظیمه قوت و حیات بخشاسندن استفاضه و استفاده به شرعاً مجبوریتن درکاردر.

[مابعدی بشنچی مقاله ده] موزة عسکری عثمانی مدیری لریق

احمد مختار

[۲] فرانسه فلاسفه حاضر سنندن «ریو» نک «مالادی دولاولونته» [امل وارزوخته لقلری] و «مالادی دولامه مووار» [قوة حافظه خسته لقلری] ناملرنده کی آثار مشهوره سیله کرک موی ایله و کرک سائرلری طرفندن تحریر و نشر ایدلش بوبولده کی سائر اثرله مراجعت بیوریلر.